



黃帝龍首經卷下

賜進士及第東等處督糧道兼管德常臨清倉事務加二級孫星衍校

占馬吉凶法第三十七

正日時以勝先占之勝先與吉將并臨所生之鄉即
吉與凶將并臨所賊之鄉即凶以勝先上將及所臨
之鄉吉凶深淺言之也

假令勝先與青龍太常并臨木火辰來未之地即吉
是為良馬也若臨金鄉即咬人臨戌躡戾臨水為病

臨丑喜走與亥武并因放自亡與白虎并且死與騰蛇并驚敗事他皆效此也

占牛善惡法第三十八

正日時以大吉占之大吉臨木為病臨火且驚以得賣臨金且欲賣之臨水田牛也臨土畜也若天地吟且用神與天一并臨有氣之鄉且入縣官與白虎并為自死與勾陳并為抵觸人與騰蛇并時時苦驚亥武并且亡遺他效此

法亡遺責大吉大亦責湖神也一

占羊可養得否法第三十九

正日時以小吉占之加金欲畜之加木欲殺之加火可畜加水為衰耗與吉將并臨有氣之鄉即吉與凶將并即凶得白虎為死加寅戌數逢狼加辰入墓亦死

占猪善惡法第四十

以登明加巳午即放加水鄉溷豕加金木可畜加土為病死加王相鄉欲與天一太陰并為祀豕也與凶

將并臨囚死之鄉為凶登明與白虎并即走失欲知
生死以氣言之有生氣生有死氣死自死與騰蛇并
為驚亡加日辰人年人墓亦死占亡失登明加酉不
得責未上從魁不得
責已上小吉日辰
陰陽能制之即得

占犬可畜否法第四十一

正日時以河魁占之子能捕鼠加卯能走獵加巳午
善聲加未能鬪加辰自死加亥賣之加寅狂走加戌
嚙人與太陰并為用禱祀也

占雞可畜否法第四十二

正日時以從魁占之加未能鬪加金水可畜加丑為
自死或被殺加辰為子加未欲用祀與吉將并臨有
氣之鄉即吉與凶將并又臨囚死之鄉即凶

假令與騰蛇并為好驚作怪祟與朱雀并非時好鳴
與勾陳并雌雞坐鳴與玄武并且亡走與白虎并為
狸所食也

占奴婢下賤利主否法第四十三

正日時視其日辰陰陽及用神傳中從魁與吉將并有王相休氣與今日日辰相生宜主直用神上賊下皆為吉深利親附甚蕃息從魁不在日辰陰陽及用神傳中又與惡將并而賊今日又用神下賊上其為慢諂欲害其主

假令八月壬子日日昴時天罡加未占奴婢吉凶傳送為玄武臨壬從魁為太常臨子從魁與壬而王相相生又在日辰陰陽中勝先為用而臨酉上賊下此

時占下賤者皆好

假令十月乙卯黃昏時功曹加戌上賊下從魁為六合臨己不在日辰陰陽中又賊日小吉為用臨卯下賊上皆為慢誕欲害其主不可畜也

占買賣財物六畜知售否法第四十四

賣者欲使今日之辰王相買者欲使今日之辰囚死皆令物類之神在日辰陰陽及用傳中與今日日辰相生即吉賣者可售買者可得若物類神不在日辰

陰陽中及用傳中又與日辰上神相賊賣買俱不得其所

假令十月癸亥日日跌時功曹加未占人買賣牛小吉臨水陰上神得功曹勝先臨亥陰上得大吉為在陰陽中又與辰上神不相賊賣之與買兩得其所假令是庚辰日卜賣牛太衝臨庚陰上神得河魁登明臨辰陰上得勝先大吉不在日辰陰陽中是無其類也日辰上神皆與大吉相賊買賣兩不得所

假令今日日上神賊大吉客不肯取辰上神賊大吉主不肯與日辰上神俱賊大吉妄有所語他效此

占人亡所在吉凶法第四十五

正日時視所問人鄉上神與今日比者在不比者為不在也

假令今日甲也若問午地人在否午上神得傳送與甲為比比謂甲申之例也則所問人在矣假令午上神得大吉無甲丑為不比所問人不在

又一法欲行諸人家知人在否正日時神后臨日辰
與婦女欲飲酒天罡臨日辰在後家欲訟錢太一加
日辰其作小車若木器一云近出欲還小吉臨日辰其人在
牀上卧未起傳送臨日辰行不在從魁臨日辰在後
家天魁臨日辰其人病登明臨日辰其人在土上數
錢大吉臨日辰在吏家須臾還或云在酒家正欲出功曹臨日
辰在吏家與長者客語一云在家木作不出太衝臨日辰見在
門中一云在舍北作船車處所木

占欲上書奏記見貴人法第四十六

欲上書奏記及見貴人皆欲令所見事類神將上下
自相好所臨上下相生即大吉得福非此者凶

假令上書欲見王者天一居金火土而加金火土之
辰見諸侯以太常見將軍以勾陳見二千石以青龍
見令長以朱雀效此非必在日辰陰陽中宜視其事
類神將觀其所喜善惡也所應喜歸母子

占人奏文書効事解否及何時來報法第四

日辰上得吉神將有王相相生即為吉功曹與吉將并青龍與吉神并者皆吉及直用神終見其子有救者為事解無救者為不解

假令望文章所在之鄉在南方否功曹登明若青龍在北方下為且至以功曹登明臨日辰為至期法以傳終救神為至也

占詞訟吉凶事勝負法第四十八

以日上神為客主上賊下先者勝下賊上後者勝勝者不可令先者年上下相賊上下相賊雖勝後必敗殃日辰上下不相賊兩解不鬪

假令八月丁巳日時加巳年立郊功曹加之勝先加丁日辰之陽神並比和此為兩解者準此

若欲以長幼則知勝負以今日長年辰為少壯也日勝辰長者勝謂日勝辰上神也辰勝日少者勝謂辰勝日上神也以日辰上將言之以知其勝負假令將

得勾陳見以鬪爭事相告也勾連將得白虎忿爭至
死將得騰蛇恐死有罪罪謂被笞也將得天空所言
非是謂以論長短相告也將得朱雀當獄訟謂爭口
舌事也將得玄武冒辭而亡亦主妄言

假令訟者年立郊傳送臨之為年上下相賊先者為
客後者為主

占諸吏謀對計簿當見上官知喜怒法第四
十九

正日時視日上得吉神將有王相及休氣與所欲見
事類神將相生即吉

假令欲見王者以天一諸侯以太常將軍以勾陳卿
相二千石以青龍令長以朱雀與日辰人年上下相
生即喜悅所言並見聽非此者皆凶

假令欲見將軍勾陳所居神賊日辰人年上神即怒
也日辰人年上神賊勾陳則將軍不肯見人雖不相
生不欲相賊

占諸欲攻讎報隙法第五十

無令謀事類神賊謀事者年上神及地下辰皆凶
假令諸欲報謀者之年立寅白虎在傳送上此白虎
所居神賊人地年也

假令謀者年立辰而功曹臨之而白虎所居神賊功
曹為賊人年上神皆凶不可行也

假令數人謀擊在各以其年上神與所立之辰與白
虎所居神相賊則凶不相賊有王相氣則吉王相者

則為人年上神將也謀殺人以勾陳盜人以玄武謀
燒人屋以朱雀匿罪人以太陰六合謀取婦女以天
后諸所造為事類皆欲令賊事者年上神也各取其
事類神三傳之終於王相為有福於囚死為有賊也
他準此

占諸被賊圍邑陷陣客主勝負法第五十一
正日時斗加四季利為客可先起兵斗加四孟利為
主宜後起兵兵常背神后擊勝先大吉也斗加四仲

不可起兵客主俱敗也若時迫不得不戰即背小吉
擊大吉此為逆兵也天地吟無舉兵行伐必見圍也
若日暮欲休息者兵將常居今日小吉時前三辰是
也

假令正月中大戰暮欲宿兵將軍常居卯辰巳寬坐
不可伐小時常與月建俱也他皆倣此

占欲獻寶物以遺尊貴知勝吉凶法第五十
二

今日之辰王相又欲今所遺神好辰之上神及其所
奉物類神即見物喜而愛敬也

假令奉王者以天一諸侯以太常乃至令長丞尉以
朱雀皇后夫人以天后庶人婦女以神后此為諸所
遺者也

假令欲獻婦女物類等謂田宅以勝先穀米牛以大
吉雞狐犬以天魁豕以登明羊鴈酒食以小吉奴婢
飛鳥蟲豸以從魁虎狼野禽以功曹船車貉兔以太

衝刀兵璧玉瓊以傳送蛟魚水蟲以天罡布帛衣服以太常錢財寶物以青龍絲帛以太常布物以神后皮革以白虎田蠶以勝先之類是也皆欲令所遺神將好之辰上之神將得天空物損而無得若相好而受者即蒙其福也

假令三月辛卯日食時從魁加辰欲遺二千石以璧玉功曹為太常臨酉傳送為朱雀臨卯登明為青龍加午青龍為所遺神傳送為奉物又為辰上神而青

龍所居神好之二千石必喜所奉物必得福報也神

曰假令二月乙卯日午時傳送臨辰欲遺二千石璧玉傳送為所奉之物又為辰上神而青龍所居神好之此為二千石必悅而受之也若畏所貢之物則

占求婦女法第五十三

正日時視陰中有天后神上下相生日上神與辰上神不相尅賊即可得也若日神陰陽中無天后神天后上神與辰上神相賊者不可得也

占求婦女有兩三處此婦女可取誰者為良
相宜法第五十四

欲取求其鄉上神有與天后神后相生者可取也
假令九月甲子日平旦時太衝加寅求申鄉女午鄉
女辰鄉女者以神后為天后臨亥申鄉上神得從魁
午鄉上神得小吉辰鄉上神得太一小吉土太一火
與天后神相尅賊獨從魁金與天后神后相生即取
申鄉上女為吉欲知婦好醜天后王相者好囚死者

醜也欲知其顏色者以年上神言之神或樞曰天后在
氣為好而且少也若天后因死為醜老又神后加孟
長女加仲中女加季少女亦柔以天罡年上神后遇火孟
火加金為赤白亦柔以此者皆陰翳婦人之太衝從魁魁
登明小吉為太陰或用此者皆陰翳婦人之太衝從魁魁
嫁主之象再

占夫婦相便安否法第五十五

各以其年上神相生即吉相賊即凶夫年上神賊妻
年上神妻有咎妻年上神賊夫年上神夫有咎神樞
與留視喜憂注云夫妻和睦為留不和者為去皆視
日辰若吉神善將臨日辰上下相生者為留若惡神

將臨日長上相起者為去而不睦也一云天后起
六合婦妾將奔隨人若六合為天和反吟不和
一云神相生與吉將并者妻妾安其室日辰上
辰上神相生與吉將并者妻妾安其室日辰上
尅神將內戰者煎熬不寧為不安其室日辰上
云傳送太衝臨日辰者妻妾有二心不安其室
臨日辰妻妾也
爰外人也

占懷孕為男為女法第五十六

正日時視時下之辰與今日比者男

假令甲日時加午甲午為比比者生男

假令今日甲時加未未為時下之辰無甲未為不比

生女無疑也

又一法以天罡占之天罡加陽為男加陰為女舊說

云傳送加夫本命婦人遊年上得陽神為男得陰神

為女

占諸貴人欲求罪人得否法第五十七

正日時以直神言之傳得其子即有救

假令木神直用傳得水神將而火在其上他效此傳

得其勝其子為將但許人耳而心欲相賺也

假令木神直用傳得土神而火在其上所謂用神得其子

假令正月丙子日從魁辛亥食時登明加辰勝先臨亥下賊上為用傳得其子為救

假令正月丙子日從魁加申大吉子上賊下為用子水懷憂大吉傳得功曹得憂者之子為有救助用神終不見憂者之子憂不解也他效此

占居處去留所宜法第五十八

視日辰上神將無王相休氣上下相尅宜去日辰上神之陰得吉神將王相休氣上下相生者宜留以陰陽神將言其形狀

假令白虎在陽以去者死喪不在陽可留他效此

占諸聞王甲有罪吉凶法第五十九

視日辰陰陽中有其事類與今日日辰比者是也不比者不是也

假令聞某為盜今日甲也而勝先為玄武在日辰陰

陽中即是也勝先午有甲午為比太一為玄武無甲

已為不比也說云或聞所議死若自言所乘神與今

丑合之法若聞吉事視青龍與六合臨日辰者是實

比合之法若聞吉事視青龍與六合臨日辰者是實

也非此者不是若聞凶事傳視白虎所臨辰上神占

然此例多不可備舉並在

神樞第五占所聞虛實篇

占人所造為事成法第六十
視其事類在日辰陰陽中與日上神相生者即吉若
日辰陰陽中無其事類又與日上神相尅者不成

假令欲治宅而大吉勝先在陰陽中與日上神相生
則吉成非此者為不成

占人有憂事得解否法第六十一

以問事時占之正日辰視日辰上及人年上得吉神
將有王相氣直用神傳得其子為憂解用神為王相
氣所傳得其子其子無氣雖解猶難無氣不能制有
氣用神為囚死所賊傳得其子其子囚死俱有氣為
可解其子王相為憂兩解

假令十月丁亥時加未占憂疑勝先臨亥下賊上為
王相所尅傳得大吉為得其子其子囚死氣為憂有
解意然亦難

假令四月丙寅日丑時神后臨丙上尅下為囚死所
賊為用火懷憂傳得小吉小吉火之子而有王氣為
憂兩解也欲知解期視用視所生為吉期所畏為凶
期也以用神所臨地辰所生為吉期所畏為凶期
假令勝先臨水為用以戊己為吉期壬癸為凶期勝

先臨金為用以壬癸為吉期丙丁為凶期他效此

占捕前事得否法第六十二

行時欲今日日辰上神與人年上神賊所求物神即
日得若物類神賊日辰上神又害人年上神為凶凶
即不得也所謂物類者虎豹以功曹鹿兔以太衝野
獸豕以登明鳥以從魁馬以勝先

占人始欲帶製新吉凶法第六十三

正日時欲今日辰上得吉神將有王相氣又令青龍

太常在日辰陰陽中陰陽所居神與今日日辰相生者吉非此者凶縱青龍太常不在日辰陰陽中宜視青龍太常所居神與今日日辰相生者亦吉也

占弟子始事師得成達否法第六十四

以今日之辰占之日為弟子身辰為所學者時下辰為師欲令其子加母時必見受道成於師又順天道又欲今日辰上得吉將神有王相者休氣上下相生其用神終於吉神將有王相氣者吉無令辰上神上

下相賊其發用神又終於神上之基而無氣者憂學不達也

假令正月丁卯日日出時登明加卯丁為弟子身卯為所學者時下辰為師丁日加卯者子從其母也卯上神上下相生用終功曹將得金神不相刑又有王相之氣此為學者達矣

占內寄者吉凶法第六十五

內寄者無令五行加其所憂及今日之辰陽神所臨

之地辰賊今日日辰皆為害主人

假令九月甲寅日時加酉內寄者此為五行加其所

憂又今日日辰陽神功曹臨申申為金賊今日甲寅

木此為臨地辰賊今日日辰也他效此有室宅欲內凡

他人者冀無令十月甲寅功曹加申此為時下之神害

今日辰復在申謂申上之也時下者諸日所加上下辰

長日之陽神者今日辰傷今支上神也謂不欲此支上神

令加其所臨日辰傷今支上神也又各從豹尾來不可

諸物皆同假令十月丁巳日申時以月將功曹加申

太一臨亥太一巳之陽神火也亥水也亥將遇尅丁巳

為害主家所臨七日辰害今日日辰也此準此其合主
一賊入家假令七月辰害今日日辰也此準此其合主
日辰若欲見天魁白虎者主臨行謀殺客日辰欲謀見登
明上天見吉將王相謀生者並吉無他故也
長上見吉將王相謀生者並吉無他故也

占怪祟惡夢法第六十六

正日時視日辰人年上神將有王相休氣上下相生

者吉非此者凶魁罡騰蛇白虎臨日辰人年者凶神其

將王相憂王事死喪囚氣其用神在陽為憂外事在

陰憂內事各以其家人年上神言之

假令年俱立惡將下未必俱惡以天罡所臨別加陽
憂男加陰憂女加孟為長加仲傷家母加季憂小口
式經曰神在外比隣受殃在門家人受殃在內身受殃又曰人年日辰上見戌犬怪見酉釜鳴見申兵又
怪不見鬼怪未墓鬼呼怪見午馬血怪見辰巳龍也
寅鳥獸怪見丑牛畜風塵怪見亥子猪風怪也

占知死人魂魄出否法第六十七

正日時時下辰為死加辰上神勝日上神及時下辰
者為復殺命式經云以家長行年加子若太歲人年天
罡加陽男坐之加陰女坐之加孟為家長加仲傷家

母加季憂小口天地伏吟殺不出天地反吟雖出復
還魁罡臨日辰為復重殺非此者皆為出也欲知所
牽為魁雄為罡也欲知凶鬼在家處所法視天上鬼
星臨即是鬼所居處也式經曰魁罡臨甲鬼在門臨乙在戶臨丙在堂屋臨丁在
竈臨戊在房臨己在豬圈臨庚在厠
又一法欲知死人家有餘殃以否正月以將加死時
魁罡加日辰重有死者欲知在何日月禍至視所加
日月為陽取男為陰取女

又一法欲知雄雌所起雌隨午雄隨丑

占葬事法第六十八

必先定五行若勝先時下辰與今日日不比及推式慎無令魁罡臨今日日辰又勿令白虎臨有氣之鄉即大吉後乃無咎不如法者禍起之始

假令十一月乙酉日申時欲令葬埋為日加申申為時下辰與乙為不比太一為白虎太一火冬死為無氣此時葬大吉欲知蒿里道常以天罡加太歲月建

功曹傳送下地為蒿里道可葬其下大吉及後世不得蒿里道死不止無後嗣絕煙火也

假令神后加太歲功曹傳送下地是為地中蒿里道喪其下亦吉也為葬埋者擇時常令魁罡騰蛇白虎此四神藏沒四維中乃大吉推葬日常以魁罡加月建功曹神大吉下日辰推月吉日常以魁罡加月建功曹傳送下日定開之日可葬勝先神后下滿成等日可娶婦

占始舉事有風雨否法第六十九

常以始舉事時正日辰功曹臨今日日辰在天一前
即風起矣傳送臨今日日辰在天一後即雨至矣
又法得陽凶逢風得陰凶逢雨日辰上得陽神將為
陽凶得陰神將為陰凶

若天旱欲知何日雨至以問時占之其用神傳終於
有水神上者即有雨氣非水神者無雨氣必欲知何
時雨者假令傳得登明神后即雨傳視其陰得何神

而知時也

假令得勝先以丙丁日雨得金神庚辛日雨得木神
甲乙日雨得土神戊己日雨然得土神雖雨猶旱若
得水神以壬癸日雨傳終無水神及得土神者並為
旱也欲知旱幾時當有雨以九九筭之

假令用神傳得大吉大吉神臨子大吉丑丑數八子

數九八九七十二當雨若大吉臨己巳四四

欲知今月雨多少何如以問時占之用神傳終有水

神即雨多無水神即雨少

又一法以月將加時龍在前三前五者雨在後二後四者風而旱虎在前亦風功曹為龍傳送為虎卯為雷子為雲雲從龍風從虎龍所乘神有氣必有風龍虎與雲雷并者必有大風雨又云傳送加日辰在天一後者雨也功曹臨日辰在天一後亦爾

又法欲知何日雨以大吉加月朔神后下大雨太衝下小雨

又法占雨何時止以月將加時視魁加四季不雨加申雨止加子為陰加己午為旱加神后雨後有風加寅卯見白日

又法以月將加月建辛癸加地下辰晴求雨亦爾

又法魁罡加季止加孟不止加仲己不已

又法月將加月建視天上壬癸下加地辰是晴日壬子所臨亦雨也

正日時視日辰上神陰得吉神將王相休氣上下相生者吉為得物多矣陰得凶神將囚死上下相賊者即凶必為陰雨泥塗為敗此謂陰凶逢雨將得白虎逢惡禽獸將得玄武為寇盜日上神凶者尤甚辰上神陰凶可忍俱凶大惡

假令七月庚寅日平旦時太一加寅登明為朱雀臨庚太一為太常臨寅功曹為天后為登明陰傳送為青龍為太一陰皆所求得遂日辰俱吉者尤吉俱凶

者大凶

占欲入深水渡江河法第七十一

正日時視日辰上得吉神將有王相及休氣上下相生者即吉反此者大凶以風波為敗謂陰陽也

假令八月甲子日天罡加未登明為太陰臨甲從魁為太常臨子傳送為白虎為登明勝先為青龍為從魁此為陰也神樞云支傷干吉更長干傷支吉欲減支干俱傷亦減並吉也

占馳使往來信實否法第七十二

以使來時占之時勝日上神如其所言日勝時上神所言不實也辰上神亦如所言時與日辰相生欲來和合也又云辰上神與日上神相生者亦欲如其言也太陰天罡臨日辰及將軍年上其言不信傳送為朱雀天空加日辰者其言反覆口舌來為姦詐不自姦所左右邊即姦詐人也

又占欲逃亡戰鬪當避太一向之敗也太一正月在

子二月丑三月寅四月卯審賊來否若太一神后加今日干天罡小吉前若刑殺凶神俱加今日干為賊今日至支干上不見此神為不來也望見道上人疑是賊否支傷逕可前干傷逕不可前又道上望見人以月將加時視日上辰加功曹傳送登明見吏若神后太一姦人盜賊魁罡主喪若病人從魁勝先太衝小吉白衣人神后臨卯為冤家也
次客一用起神后二從魁三功曹四登明五天罡六

大吉七勝先八太衝九傳送十太一十一天魁十二
小吉陽取後三陰取前五

黃帝龍首經卷下



